

Ang Gawad—Ang Labing Bilidhon nga Regalo sang Dios (Bahin 1)

Ginbase sa kapitulo 5 sang *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



NGAA NAPATAY SI JESUS PARA SA ATON?

1 BINAGBINAGA ANG IMO MGA GINAPATIHAN

Ano sa banta mo ang isiling sang iban?

Ano ang *imo* ginapatihan?

Ngaa ginapatihan mo ini?

2

USISAA ANG GINATUDLO SANG BIBLIA

Ang gawad amo ang paagi sang Dios para masolbar ang problema nga ginhimo sang una nga tawo nga si Adan.


(Tan-awa ang kapitulo 5 sang libro nga *Ginatudlo sang Biblia*, parapo 1-8.)

Basaha ang Genesis 2:16, 17; 3:17-19.

Ngaa napatay ang una nga tawo nga si Adan?

Basaha ang Roma 5:12.

Ngaa indi lang si Adan ang naapektuhan sang iya pagpakasala, kundi pati ang iya kaanakan?



Kon ipaseroks ang isa ka dokumento nga may higko, ang tanan nga kopya sini may diperensia man. Sing kaanggid, bangod sa sala ni Adan ang tanan niya nga kaanakan nabun-ag man nga indi perpekto

Ang gawad—ang paagi para maluwas kita—pagpakita sang wala tupong nga kaayo sang Dios.

(Tan-awa ang kapitulo 5 sang libro nga *Ginatudlo sang Biblia*, parapo 9–13.)

Basaha ang Roma 5:19 kag 1 Corinto 15:21, 22.

Paagi sa pagtuman sa Dios kag paghalad sang iya kabuhi, ano ang nahimo ni Jesus para sa matutom nga mga tawo?

Basaha ang Roma 3:23, 24 kag 1 Juan 4:9, 10.

Ang kaluwasan bala paagi sa gawad ginhatag sa mga tawo bangod *ginpangabudlayan* nila ini? Ipaathag.

Ano gid ang nanamian mo sa paghatag sang Dios sang gawad?

3

IPAATHAG ANG IMO GINAPATIHAN

KON MAY MAGSILING...

Pagbuot gid sang Dios nga mapatay ang mga tawo.

MAHIMO KA MAGSABAT...

Madamo ang may amo man sina nga pagpati. Pero lain ang akon pagpati bangod...

Ano nga bersikulo ang puede mo ipabasa sa iya?

Base sa iya pagtamod, paano mo ipaathag ina nga bersikulo?

KON MAY MAGSILING...

Nagapati ang mga Saksi ni Jehova nga maluwas sila paagi sa ila pagwali.

MAHIMO KA MAGSABAT...

Importante gid ang amon pagwali. Pero *wala* kami nagapati nga maluwas kami paagi sa amon pagpangabudlay bangod...

Ano nga bersikulo ang puede mo ipabasa sa iya?

Base sa iya pagtamod, paano mo ipaathag ina nga bersikulo?
